



Ika-limang Dominggo sa
Kasarangang Panahon
Pebrero 9, 2014

RITO SA PAGESUGOD

P: Sa ngalan sa Amahan ug sa Anak ug sa Espiritu Santo.

K: *Amen.*

P: Ang Ginoo maanaa kaninyo.

K: *Ug maanaa usab kanimo.*

Pasiuna ug Pag-abi-abi:

P: Mga igsoon: Maayong pag-abot dinhi sa atong kasaulogan sa kinabuhi ug gugma sa Dios nga puno sa grasyang Iyang gipaambit kanato pinaagi sa Iyang Anak nga si Jesus. Pamalandongan ug saulugon ta karon kining pagtawag kanato ni Jesus nga mosunod kaniya isip asin sa yuta ug kahayag sa kalibutan.

Akto sa Paghinulsol

P: Mga igsoon, aron maandam kita sa pagsaulong niining mga balaang misterio, ato karong dawaton ang atong mga sala, ug pangayoon ta sa Dios ang Iyang pasaylo ug kusog.

K: *Nagakompisal ako sa Dios...*

P: Kaloy-an unta kita sa Dios nga makagagahum sa tanan.. sa kinabuhing

**Ma-Dominggong Tamdanang Liturhikal alang sa Simbahan
sa Kabus sa Diwa sa Bag-ong Ebanghelisasyon**

Ang Simbahan sa Kabus pinaagi sa Gagmayng Simbahanong Katilingban, sa iyang buhat sa hustisya ug pakighiusa sa kabus, nagasunod kang Jesus isip asin ug kahayag sa kalibutan.

Ang Plenaryo Konsilyo sa Pilipinas II (PKP-II) nagalantaw sa usa ka simbahang nabag-o ug iya kining gitawag ug Simbahan sa Kabus. Nakit-an niya nga ang Gagmayng Simbahanong Katilingban maoy usa ka hulagway sa maong kabag-ohan. Matud pa niya:

(137) Ang atong panglantaw sa Simbahan isip komunyong, partisipasyon, ug misyon, mahitungod sa Simbahan nga parionon, propetiko ug harianong lungsod ug isip Simbahan sa Kabus – usa ka Simbahang nabag-o – sa pagkakarong inamayng gihulagway sa usa ka simbahanong kalihukan. Kini mao ang kalihukan sa pagpalambo sa Gagmayng Simbahanong Katilingban.

Atong nakita nga giisip sa PKP-II ang GSK isip usa ka kalihukan sa ug diha sulod sa Simbahan. Dili kini usa ka organisasyon, ni programa lamang, ni proyekto lamang sa usa ka pari o obispo. Sa iyang pagsugod didto sa Simbahan sa Amerika Latina ug

sa pagpaila niya dinhi sa Pilipinas, mahimong maingon nga ang BEC, sa pagsugod Gagmayng Kristohanong Katilingban (GKK), gisugdan sa mga tawo sa ubos sa dihang nakaplagan nila ug giangkong pag-usab ang Bibliya isip Pulong sa Dios ug pulong sa kinabuhi. Isip mga laigo, ilang gialirongan ang Pulong sa Dios. Gihulma nila ang ilang panagdait, ang ilang komunyong, ang mga tanikala sa ilang panaglambigitay isip mga nagbag-ong mga indibiduwal diha sa usa ka katilingban nga si Jesus ang uyukan. Ilang gisaulog kining bag-ong kinabuhi, dinasig sa Pulong, diha sa mga sakramento ilabi na gayud ang Eukaristiya. Sa Eukaristiya gipatalinghugan nila ug gidawat ang Pulong sa Dios. Ang mga sakramento mao man ang mga kasaulogan sa ilang bag-o ug komun nga kinabuhing nag-usab kang Kristo. Ang mga laigo ang nagbuhi sa mga sakramento diha sa ilang pagpahitabo sa mga kausaban sa ilang komunidad ug katilingban. Ginukod, mapahiubsanon nilang giugmad ang alternatibong komunyong nga lahi sa mga makasasala ug madaugdaugong estruktura sa katilingban. ■

walay katapusan.

K: Amen.

P: Ginoo, kaloy-i kami.

K: Ginoo, kaloy-i kami.

P: Kristo, kaloy-i kami.

K: Kristo, kaloy-i kami.

P: Ginoo, kaloy-i kami.

K: Ginoo, kaloy-i kami.

Himaya sa Dios didto sa langit...

Kolekta

P: Mag-ampo kita: Luwasa kanunay ang imong banay, O Ginoo, gikan sa tanang katalagman pinaagi sa imong walay puas nga pag-amoma, aron, sa bugtong pagsalig kanunay sa paglaum sa imong langitnong grasya, mapanalipdan sila kanunay sa imong gugma. Pinaagi ni Jesukristo, among Ginoo ug Imong Anak, nga buhi ug hari uban kanimo ug sa Espiritu Santo, hangtud sa kahangturan.

K: Amen.

LITURHIYA SA PULONG

Unang Pagbasa: Is 58,7-10

L: Ang pagbasa gikan sa basahon ni propeta Isaias...

(Basahon gikan sa Kasulatan)

L: Ang pulong sa Ginoo.

K: Salamat sa Dios.

Komentaryo sa Is 58,7-10:

Gipangita ug nakit-an sa propeta ang pulong sa Dios. Ang tungtunganan sa banggiitang balansayon sa pagpuasa mao ang basehang dalisay sa hustisya. Ang tataw nga mga pagpakita sa ritwal sa pagpuasa isip boluntaryong pagdili sa kaugalingon sa pagkaon mahimong motago sa tinuoray nga mga gipangayo sa hustisya: ang tinuyong paghikaw sa katagbawan sa kaugalingong panginahanglan aron makapaambit ug pagkaon sa gigutom, panalipud sa mga gidaugdaug ug walay puluy-anan, ug makapasinina sa mga hubo. Gihangyo sa propeta ang kinasingkasing pagpatuhop sa buluhatong pagpuasa isip salamin sa mas halawom pang bili sa hustisya. Ang tinuod nga hustisya mao kini: pagputol sa kadena sa inhuustisya, pagbuhi sa mga dinaugdaug ngadto sa kagawasan. Dili kini alang sa personal nga kasantos apan, hinonoa alang kini sa katilingbanong kalingkawasan ug kagawasan, mga bunga sa hustisya nga maghatud kanato ngadto sa tinuod nga kasantos.

Salmo Responsorio: Sal 112,4-5,6-7,8-9

(Pagabasahon gikan sa Kasulatan)

Tubag: Ang tawo nga matarung kahayag sa kangitngit kaniya nga ligdong.

Komentaryo sa Sal 112:

Kining salmoha mahimong maapil sa mga salmong alpabetiko o akrostiko nga adunay tagming makiadmanon. Ang salmong akrostiko o alpabetiko gisulat diin ang mga berso nagsugod subay sa mga letra sa 22 ka mga alpabetong hebreo. Ang unang pulong sa unang berso nagsugod sa letrang **aleph**. Ug pagasundan kini sa sunod-sunod nga mga unang letra sa mga berso subay sa abakadang hebreo, hangtud sa unang letra sa katapusang pulong sa katapusang berso, nga sa abaladang hebreo, mao ang **taw**. Dinhi, ang tawong matarung adunay tulo ka hiyas: grasya, kamapuangoron ug hustisya. Gikan niining mga hiyas molambo ang iyang mga gawi: walay kahadlok ug makanunayong gugma, kamanggihatagon sa kabus ug katarung. Kahayag siya sa kangitngit tungod kay iya mang gipasidlak ang mga hiyas sa Dios, nga mao ang lintunganay nga Kahayag!

Ikaduhang Pagbasa: 1 Kor 2,1-5

L: Ang pagbasa gikan sa unang sulat ni Apostol San Pablo sa mga taga-Korinto...

(Basahon gikan sa Kasulatan)

L: Ang pulong sa Ginoo.

K: Salamat sa Dios.

Komentaryo sa 1 Kor 2,1-5:

Unsaon kaha pagtoo kang Pablo nga nagpadayag sa misteryo sa Ginoo pinaagi sa kinaadmang dili hataas, walay dungog ug dili batid mosulti, kondili pinaagi sa kahuyang, kahadlok ug nagkurog? Unsaon kaha sa mga taga-Korinto sa pagtoo kaniya nga nagsangyaw nga ang Dios mipili kanila pinaagi sa Iyang abli ug gawasnong laraw? Gisaligan ni Pablo isip kalig-onan sa iyang pagsangyaw si Jesus nga Gilansang sa Krus, ug dili ang manggialamong pilosopiya ni ang kinaadman. Ang pagtoo sa mga taga-Korinto kinahanglang magpanukad sa gahum sa Dios, ug dili sa tawhanong kaalam. Ang madanihong gahum ni Pablo migitib man gikan sa Espiritu ni Jesus nga Gilansang sa Krus. Kay ang gahum sa Ginoo mas labaw pa kaysa tawhanong kaalam.

Ebanghelyo: Mat 5,13-16

L: Ang Ginoo maanaa kaninyo.

K: Maanaa usab kanimo.

P: Ang pagbasa gikan sa Ebanghelyo ni San Mateo.

K: Himayaon Ikaw, O Ginoo.

P: (Pagabasahon gikan sa Kasulatan)

P: Ang Ebanghelyo sa Ginoo.

K: Daygon Ikaw, O Cristo.

Komentaryo sa Mat 5,13-16:

Gitak-op sa samingay sa asin ug kahayag ang Wali sa Bungtod. Karon, miingon na si Jesus ngadto sa iyang mga disipulo: Kamo,

nga mga kabus sa espíritu, nakasulod na sa bag-ong kasabutan pinaagi kanako: ang kasabutan sa Gingharian sa Langit. Inyo ang Gingharian sa Langit, usa ka alternatibong sistema sa kinabuhi nga lahi sa gitagana sa gingharian sa kalibutan, ug kamo ang iyang mga lungsuranon ug mga nangunang lumilihok. Mahimo kini tungod kay si Jesus man ang kahayag sa kalibutan, ug ang kahayag sa Gingharian sa Langit misilaw man diha sa mga kinabuhi sa mga pinalabi niyang hinigugma: ang mga kabus nga maoy gitagan-an ug ang nakapanagiya niining maong Gingharian. Aron sila mamahimong asin sa yuta, ang mga lungsuranon ug nag-unang lumilihok niining maong Gingharian kinahanglang mawala diha sa ilang pagpakiuban sa isigkaingon. Apan kinahanglang mopatigbabaw usab sila, kay aduna man silay tino ug angay nga ipadayag. Kinahanglang sila ang kahayag sa kalibutan nga nagmantala kahayag sa Gingharian: si Jesus – manluluwas sa kalibutan, ang garbo sa Israel ug ang kahayag sa tanang katawhan ug kanasuran. Karon, ang mga kabus sa espíritu, nga mosilaw sa kahayag ni Jesus ug mopuyo sa mga hiyas sa Gingharian, sila ang atong giya ug kahayag sa atong mga pakigbisog alang sa maayong kinabuhi sa atong panahon!

Ang pagka-asin sa yuta ug pagka-kahayag sa kalibutan usa ka paagi sa pagsunod kang Jesus.

Nilimbag ng
COMMUNICATION FOUNDATION FOR ASIA
katuwang ang
MISSIONARIES OF THE SACRED HEART

Ubani si Fr. Ben Alforque sa Missionaries of the Sacred Heart sa iyang **GOSPEL BREAK**, hamubo apan makalingaw nga video mahitungad sa Ebanghelyo karong Dominggo. Bisitaha ang **gospelbreak.wordpress.com**. O pinagi sa inyong smartphone o tablet i-swipe kini nga QR code.



Wali: Ang Simbahan sa Kabus pinaagi sa Gagmayng Simbahanong Katilingban, sa iyang buhat sa hustisya ug pakighiusa sa kabus, nagasunod kang Jesus isip asin ug kahayag sa kalibutan.

Sumadang Mensahe Sa Mga Pagbasa Sa Dominggo	Ang Simbahan sa Kabus: Kongkretong hulagway sa Kabus ug sa ilang kahimtang	Mga Puntos Alang Sa Pamalangdong/Panawagan/Hagit
Ang Simbahan sa Kabus pinaagi sa Gagmayng Simbahanong Katilingban, sa iyang buhat sa hustisya ug pakighiusa sa kabus, nagasunod kang Jesus isip asin ug kahayag sa kalibutan.	Nganli ang mga tawo sa inyong komunidad nga nagtahan sa ilang kaugalingon ug sa ilang mga katakus alang sa pag-alagad sa mga kabus, pag-panghimaraot sa hinungdan sa inhustisya ug kawad-on, ug sa ilang pagkalimot sa kaugalingon, nahimong asin ug kahayag sa inyong katilingban.	Ang pagka-asin sa yuta ug pagka-kahayag sa kalibutan usa ka paagi sa pagsunod kang Jesus. Iya kitang gitawag nga binagsa aron hulmahon ang bag-ong katilingban sa mga disipulo nga nagahatag ug pagsaksi sa mga pamaagi sa Gingharian.

Padayag sa Pagtoo
P: Nagatoo ako...

Mga Katilingbanong Pag-ampo
P: Mga hinigugma kong mga igsoon, ato karong hangyoon ang Dios nga hatagan kita niya sa mga bendisyon nga atong gikinahanglan isip asin ug kahayag sa atong panahon. Motubag kita:

T: *Ginoo, bendisyoni kami sa kusog sa imong Espiritu.*

L: Mag-ampo kita alang sa Simbahan: nga isip Simbahan sa Kabus sa tibook kalibutan, iya untang dad-on ang pakigbisog sa kabus ug dawaton ang mga kabus nga iyang kahayag. Mag-ampo kita sa Ginoo.

T: *Ginoo, bendisyoni kami sa kusog sa imong Espiritu.*

L: Alang sa atong Santo Papa Francisco I, sa mga obispo, pari, diyakono, kanilang nanagpuyo sa kinabuhing konsagrado ug sa tanang gitugyanan sa pag-amoma ug pagdumala sa Simbahan isip Katawhan sa Dios: nga ila untang ipadayon ang paghatag ug panig-ingnan sa gugmang walay gipaabot alang sa kaugalingon ug sa pag-alagad nga walay interés. Mag-ampo kita sa Ginoo.

T: *Ginoo, bendisyoni kami sa kusog sa*

imong Espiritu.

L: Alang sa mga lideres sa kalibutan ug sa tanang gitugyanan sa pangagamhanan ug pagdumala sa mga butang sa kalibutan: nga maghimo unta sila'g mga balaod ug mga polisiya nga manalipud sa kinaiyahan, molaban sa pagkatawo ug mga katungod sa mga migrante ug mopausbaw sa internasyonal nga panagsabotsabot alang sa hustisya ug kalinaw. Mag-ampo kita sa Ginoo.

T: Ginoo, bendisyoni kami sa kusog sa imong Espiritu.

L: Alang sa tanang naapektuhan sa mga kausaban sa kinaiyahan nga nahimong katalagman sa mga tawo tungod sa tawhanong kahakog ug kawalay-pagtagad: nga ila untang maipagawas ang labing maayong hiyas sa atong pagkatawo, mabutyag ang atong mga tinagoang depekto ug mga ngil-ad nga mga binuhatan nga sa dugay nang panahon gitabonan sa korupsiyon ug pagpanglingla ug motukmod kanato sa pagbag-o subay sa mga bili sa Gingharian. Mag-ampo kita sa Ginoo.

T: Ginoo, bendisyoni kami sa kusog sa imong Espiritu.

L: Alang sa atong mga minahal sa kinabuhi nga milalin na: nga diha sa kapasayloan sa ilang mga sala, maila na unta ang pahulay nga dayon diha sa kasingkasing sa atong Ginoo ug Manluluwas, si Jesukristo. Mag-ampo kita sa Ginoo.

T: Ginoo, bendisyoni kami sa kusog sa imong Espiritu.

L: Alang sa atong mga espesyal nga mga tinguha, sa kahilom sa atong tagsa-tagsa ka kasing-kasing, (*mohilum kadiyot*) Mag-ampo kita sa Ginoo.

T: Ginoo, bendisyoni kami sa kusog sa imong Espiritu.

P: Dios sa gugma ug kalomo, gihalad namo kanimo kining mga pag-ampo inubanan sa mapahiubsanon ug mahinulsulong kasingkasing. Dasiga kami aron mahimo kaming asin sa yuta ug kahayag sa kalibutan pinaagi sa gahum sa imong kamatuoran. Kini among gipangayo pinaagi ni Kristo atong Ginoo.

T: Amen.

LITURHIYA SA EUKARISTIYA**Pag-ampo Alang sa Mga Halad**

P: O Ginoong among Dios, nga makausa kanhi imong gihan-ay ang mga binuhat aron agakon kami sa among kahayang, ihatag, nangamuyo kami, nga mahimo silang Sakramento sa kinabuhing tunhay alang kanamo. Pinaagi ni Kristo among Ginoo.

K: Amen.

Pag-ampo sa Eukaristiya

P: Ang Ginoo maanaa kaninyo.

K: Maanaa usab kanimo.

P: Ibayaw ang inyong mga kasingkasing.

K: *Amo nang gibayaw ngadto sa Ginoo.*

P: Magpasalamat kita sa Ginoong atong Dios.

K: *Angay ug matarong.*

Rito sa Pangalawat

P: Karon mag-ampo kita sa Amahan, atong gamiton ang mga pulong nga gitudlo kanato sa atong Manunubos.

K: *Amahan namo...*

P: 'Mangayo kami kanimo, Ginoo, nga imo kaming luwason sa tanang dautan. Hatagi kami sa kalinaw niining panahona, aron, tinabangan sa imong kalooy, mahalikay kami kanunay sa sala ug mahilayo sa tanang kasamok, samtang magapaabot kami nga malaumon sa pagbalik ni Jesu Cristo, among manunubos.

K: *Kay imo man ang gingharian ug ang gahom, ug ang himaya hangtod sa kahangturan.*

Pangalawat

P: Kini mao ang Kordero sa Dios nga nagawagtang sa mga sala sa kalibutan. Bulahan ang gidapit alang sa panihapon sa Ginoo.

K: *Ginoo, dili ako angay nga mokalawat kanimo, apan ipamulong lamang ug mamaayo ako.*

Pag-ampo Human sa Pangalawat

P: Mag-ampo kita: O Dios, nagbuot ka nga kami makaambit sa usa ka Tinapay ug sa usa ka Kalis, ihatag, nangamuyo kami, nga, hiniusa diha kang Kristo, magpuyo unta kaming malipayon ug mabungahon alang sa kaluwasan sa kalibutan. Pinaagi ni Kristo atong Ginoo.

K: Amen.

Katapusang Bendisyon

P: Ang Ginoo maanaa kaninyo.

K: *Maanaa usab kanimo.*

P: Moduko kita aron dawaton ang bendisyon sa atong Ginoo: Bendisyonan unta kamo sa Dios sa tanang grasyang langitnon, himoon unta kamo niyang balaan ug dalisay sa iyang panan-aw, bubu-an unta kamo niya sa kaabunda sa mga bahandi sa iyang himaya, ug tudloan kamo niya sa mg pulong sa kamatuoran; hinaut iya kamong pahimangnoan sa Ebanghelyo sa kaluwasan, ug sa kanunay hatagan kamo sa gugmang inigsoonay.

K: Amen.

P: Ug panalanginan unta kamo sa Dios nga makagagahum sa tanan: ang Amahan, ug ang Anak ug ang Espiritu Santo.

K: Amen.

P: Panglakaw kamo sa kalinaw, ug himaya ang Dios pinaagi sa inyong kinabuhi.

K: *Salamat sa Dios.* ■